

蘄州志卷之十九

知蘄州事虞山錢 鋈纂輯

雜志

祥異

君子道其常祥異不常有也故入雜志

國朝仁聖相承屢召休嘉祥固不勝紀災眚偶乘蠲
卽隨其後雖失常而不爲變其耑見于蘄者例得直
書

唐文宗八年秋蘄州湖溢

蘄州志

卷之十九 祥異

一

宋乾德三年七月蘄州大雨水壞民廬舍霖雨彌雨月
至道二年甘露降於州之麟鳳二山

仁宗天聖三年二月丁卯蘄州擿貨務火

徽宗政和五年八月甲子蘄產芝草徧境計貢芝草一
萬一千六百枝內一枝色紫九幹時稱瑞焉

高宗紹興元年蘄州旱

孝宗乾道三年六月蘄州水壞苗稼漂人畜

孝宗淳熙二年五年淮南旱七年諸道蘄黃等處自四
月不雨至九月八年正月甲戌積旱始雨

光宗紹熙二年蘄饑民多殍於路

光宗紹興元年蘄州旱

寧宗十四年正月乙未地夜震大雷金人乘震破蘄黃

理宗寶慶二年三月己卯蘄州火

理宗端平三年辛酉蘄州大雨水漂民居

順帝元統二年三月蘄州黃州旱

元世祖至元二年蘄黃旱

成宗大德五年庚戌蘄州之蘄春廣濟蘄水旱

延祐七年六月蘄黃二郡旱

蘄州志

卷之十九

祥異

二

英宗正治元年蘄州蘄水縣饑

文宗至順元年蘄黃等路饑

順帝至元三年蘄州饑

順帝至正九年夏秋蘄州大水傷稼

至正十三年三月月食太白是時徐眞一倪蠻子陳友

諒等始倡亂漢沔蘄黃間

至正十三年蘄黃大疫

明太祖吳二年

元順帝至正二十六年
未韓氏龍鳳十二年

秋七月癸亥太

白歲星合於翼

孝宗八年乙卯十一月蘄州人雪冰結數寸樹木凍死
鳥飛墮地

武宗正德三年戊辰蘄州大年六七月湖水盡涸□馳
驅

世宗嘉靖□年□亥蘄州大水漂流人畜

十八年己亥蘄州大水低田盡沒市巷入船是秋□□
捕魚聊生

神宗萬曆二十八年庚子七月蘄州大□壞屋舍□□
止

蘄州志

卷之十九

祥異

三

□十□年甲辰春夢州大泉山東南裂百餘丈濶二文
至己巳年漸合

三十四年□府官室□□□盡

三十六年戊申五月天下□水南直□□尤甚蘄州城
堞可以登舟城內巷道水深數□□□□者

四十二年荆王宮室二次火焚

四十七年冬蘄州大雪深五六足

熹宗天啓元年辛酉正月蘄州大雪大冰屋瓦地上冰
厚尺許一月不□

六年蕪□□

七年蕪州田鼠害稼

崇禎二年己巳三月□□地震蕪黃尤□一□□□有

聲如□自東北來尾瓦搖墮夏又震十月又震

九年春流賊犯蕪州四鄉殺戮無□秋饑冬賊又犯境

自是每歲多灾寇民無寧宇

九年丙子夏蕪州晝暝大風拔大樹數百□□皆向天

小者無□

九年冬十年春蕪州嘗風霾沙飛揚如北地

蕪州志

卷之十九

祥異

四

十年丁丑七月一日夜蕪州大風雨自西北來□雀飛

投南城壕死

十年蕪州竹遍生花

十年蕪黃遠近多與群鳥食之

十二年三月蕪州夜有五色虹下屬地數刻許天色變

暗如蒙霧累日不解

十三年三月州署中所藏火砲未置藥一日自發棟瓦

轟塌

十三年庚辰五月蕪州武昌漢陽九江遠近皆雨土于

時黃霧四塞不雨不風百步內外不見物氣溫臭焦
撲人口鼻着物皆黃塵旬日始霽

十三年七月蘄州江岸逆水港忽地裂崩房屋俱陷
十三年六月蘄州二虎入郭破民居室噬數人入踞北
門外麒麟菴佛堂上爲官兵所殺

十四年辛巳天下大旱疫蘄黃等處蝗虫蔽天斗米銀
四錢民死過半

十四年十五年夏秋蘄州多蠅飛集孔道團結行轉是
年大疫殍屍載道

蘄州志

卷之十九

祥異

五

十六年正月二十五日夜蘄蒙霧黑氣四塞漏一鼓大
雪明日張獻忠陷蘄州屠殺焚燒無遺

十六年癸未五月蘄黃九江武昌漢陽每日將西即見
青氣二撐日脚廣各二丈長至地七月始散

十六年夏秋間蘄州嘗有黃氣非雲非霧高數丈遠望
則有卽之則無

十六年十七年蘄州城內外多虎穴白晝出攫人時蘄
陷後荆棘滿衢巷官民惟取一二道行

崇禎初蘄州雞多黃昏鳴或初更鳴

崇禎末蘄黃雞翼生距訛傳食之殺人

崇禎中末蘄州桃李梅杏之屬嘗秋冬華衆不爲怪
以上俱舊志

國朝順治九年蘄州旱人掘藕充食冬種蕎麥有收
康熙二年正月二十九日午後天黑如夜巴河以下武
穴以上皆然至晚復明

康熙二年七月永福鄉有虎一日傷四十餘人至渴口
與年鬪爲鄉民所殺

康熙二年秋大水

蘄州志

卷之十九

祥異

六

雍正年間崇居鄉楊家寨上忽裂一口深入無際觀者
引繩數十丈綴石投之終莫能測但覺清泉隱隱後
數年復合至今裂痕尚存

雍正三年蘄州大熟

雍正四年江水汎濫較常高丈餘五年水亦如之隨邀
詳請每糧一石

恩免三錢有零

乾隆丁卯又三月大風東關城樓毀石器俱移置他所
屋瓦紛飛如燕各鄉古木拔折無筭

乾隆十九年蘄州大熟

乾隆乙亥年三月二十八日大風雨壞民居三百餘口
壓死十餘人當申報 各憲查明被災人口給賑有
差

兵事

天生五林民並用之兵所以難去也蘄自漢迄元雖
代有蹂躪而受禍之烈獻寇爲最嗚呼不覩前代搶
攘之秋而飲和食德者安知

帝力之高厚哉

蘄州志

卷之十九 兵事

七

東漢建安二年袁術僭號曹操征之術走渡淮留其將
張勳橋蕤於蘄陽以拒之操擊蘄蕤勳退走

建安十三年曹操破荊州下江陵先主窘甚乃使諸
葛孔明求援於吳權遣周瑜黃蓋迎戰大破曹兵於
赤壁旋師賞軍於蘄之江中名其地曰散花營

吳黃武初吳晉宗爲蘄口將以衆叛如魏還爲蘄春太
守圖襲安樂取其保質孫權以爲恥六月盛夏出其
不意遣賀齊督麋芳鮮于丹等襲蘄春遂生擄宗

唐興元元年李希烈反淮南泝江狗地節度使曹王臯

討之遣將伊慎爲先鋒攻蔡山拔之越一日會賊救至大敗遂下蘄州平黃兵益振天子在梁州包佶轉東南財糧次蘄口賊遣驍將杜少誠過江道不得通慎選士七千乘便擊少誠蘄別將許少華漕無留難拜慎爲安黃節度使

乾符三年王仙芝攻蘄刺史裴渥王鐸知舉時所擢進士也王鐸在賊中爲仙芝以書說渥渥與仙芝約歛兵不戰許爲之奏官仙芝如約渥乃延仙芝及黃巢三千餘人入城置口大陳貨賂以贈之諸宰相多

言先帝不赦龐勛暮年卒誅之今仙芝小賊非龐勛之比赦罪除官益長姦宄不許王鐸固請許之乃以仙芝爲左神策軍坤牙兼監察御史遣中使以告身卽蘄州授之仙芝甚喜口渥皆賀黃巢以官不及已大怒曰始者共立大事橫行天下今獨取官赴左軍使此五千餘衆安所歸乎因毆仙芝傷首其衆喧噪不已仙芝畏衆怒遂不受命大掠蘄州人半驅半殺焚其廬舍渥奔鄂州刺史奔襄州鐸爲賊所拘賊乃分其軍三千餘人從仙芝及尙君長二千餘人從巢

各分道而去

周顯德二年周主自將攻唐淮南蘄州裨將李福殺刺史王承雋降周

三年唐將朱元等復取舒和蘄州

五年周世宗臨江遣水軍擊唐兵破之唐主遣使舒廬蘄黃四州地畫江爲界周師乃還

宋嘉定十四年金將僕散安貞自奪黃土關後所過城池勢如破竹入梅林關拔麻城縣至黃州克之進克蘄州前後殺掠不可勝計

蘄州志

卷之十九

兵事

九

元至正十一年羅田徐壽輝又名一眞業販布袁州僧瑩玉與麻城鄒普勝黃陂倪文俊以妖術聚衆用紅巾爲號壽輝狀貌龐厚衆推爲主九月陷蘄水並黃州蘄春等處竊據蘄水僭國號天完建元治平以普勝爲太師文俊爲丞相湖廣江西浙江城池多陷沒開蓮臺省于蘄春浙江平章政事卜顏帖木兒等討壽輝于蘄水破之獲僞官四百餘人已而復熾遷都漢陽爲文俊所制文俊謀殺壽輝不克遂奔黃州陳友諒隸文俊麾下數有功遂乘機殺文俊並其兵後

壽輝亦爲所殺

明萬歷十六年戊子蘄黃大饑黃梅賊劉少溪余孟□
等焚掠鄉邨時兵戎久弛人心搖動知州徐希明設
法防禦州判陳策死之事聞命湖廣巡撫南京操江
御史合勦三月會兵蘄州凡九閱月平之

崇禎十年二月經畧熊文燦總兵左良玉於蘄招安
張獻忠一丈青等賊荆藩爲之置宴邸中時良玉不
主撫議未二年賊果自穀城叛去

十一年十一月鎮守兵謀殺總兵張一龍事泄伏誅

蘄州志

卷之十九

兵事

十

十四年招安革裡眼賊安插蘄之青山上鄉大爲民
害後仍叛去

十六年正月二十六日鎮算兵通張獻忠賊乘雪夜
襲破蘄城先從南城上焚廬室殺戮宗室紳衿居民
殆盡江防道許公文岐以不屈死

二月二十二日城外房屋尚有未焚盡者居民收集
防守賊復攻破三險大肆焚掠蘄民殆無噍類矣
五月三十日賊破武昌至六月初二日沿江一帶浮
尸而下水爲不流

方毛于徐四營兵奉左良玉令撥防蘄黃一帶駐蘄
新洲不久掣調

國朝順治元年四月

大清兵誅李自成蘄奉

旨置官安撫

順治五年三月九江寇水陸並進至蘄之城南叅將
韓友領兵擊敗之

六年二月蘄州上鄉土賊焚掠鄉邨叅將韓友領兵
擊敗之盡平餘黨鄉民獲安

蘄州志

卷之十九 兵事

十一

乾隆十七年春江南霍山縣白雲菴奸僧正修及湖
廣奸民胡濟修等黨同首逆馬朝柱前在羅田縣內
天堂寨開山燒炭招集無賴漸成羽翼繼在英山縣
內天馬寨假立神異煽誘動衆作逆書逆示傳單札
符旂令圖書軍器等項流言四起蘄州知州今陞黃
州府知府李 偵知其實親赴楊何等處剪其黨羽
飛報各憲陸續緝獲逆匪二百餘人起兵器火藥三
百餘件楚督永公 江督尹公先後奏

聞欽奉

諭旨分別輕重按律治罪其首逆馬朝柱從逆熊得勝等
尚未就擒現奉 部覆嚴飭各省懸立賞格多方查
詰期于必獲遵照節次通緝如初